

第二五八册

明倫彙編

官常典

宗藩部

(卷)
三十四

古今圖書集成

中華書局影印



古今圖書集成

中華書局影印

欽定古今圖書集成明倫彙編官常典

第十三卷目錄

宗藩部彙考五

北魏道武帝元始二年封拜宗室仍五等之制

按魏書道武帝本紀元始二年秋九月戊午初建臺

省置百官封公侯將軍刺史太守尚書郎已下悉用

文人按官氏志元始元年始建曹省備置百官封

拜五等

皇始二年封元儀元題皆為王

北齊總一則 武成帝天保三則 宣帝大業二則 宣帝大業三則 高祖開皇八則 仁壽一則 煬

北周總一則 宣帝大業三則 高祖開皇八則 仁壽一則 煬

隋總一則 宣帝大業三則 高祖開皇八則 仁壽一則 煬

北齊總一則 武成帝天保三則 宣帝大業二則 宣帝大業三則 高祖開皇八則 仁壽一則 煬

北周總一則 宣帝大業三則 高祖開皇八則 仁壽一則 煬

隋總一則 宣帝大業三則 高祖開皇八則 仁壽一則 煬

北齊總一則 武成帝天保三則 宣帝大業二則 宣帝大業三則 高祖開皇八則 仁壽一則 煬

北周總一則 宣帝大業三則 高祖開皇八則 仁壽一則 煬

隋總一則 宣帝大業三則 高祖開皇八則 仁壽一則 煬

官常典第十三卷

宗藩部彙考五

北魏

道武帝元始二年初封拜宗室仍五等之制

按魏書道武帝本紀元始二年秋九月戊午初建臺

省置百官封公侯將軍刺史太守尚書郎已下悉用

文人按官氏志元始元年始建曹省備置百官封

拜五等

皇始二年封元儀元題皆為王

按魏書道武帝本紀二年夏五月甲寅以東平公元

儀為驃騎大將軍都督中外諸軍事兗豫雍荆徐揚

六州牧左丞相封衛王襄城公元題進封為王

天興元年進元遵元順為王詔吏部郎中鄧淵立爵

品

按魏書道武帝本紀元始二年冬十月甲申中山平

天興元年春正月置行臺於中山詔左丞相守尚書

令衛王儀鎮中山略陽公元遵鎮渤海之合口三月

徵左丞相衛王儀還京師詔略陽公遵代鎮中山夏

四月壬戌進遵封常山王南安公元順進封毗陵王

冬十有一月辛亥詔尚書吏部郎中鄧淵典官制立

爵品

天興六年冬封皇子嗣等四人及秦愍陳留二王子

皆為王

按魏書道武帝本紀六年冬十月乙卯立皇子嗣為

齊王加車騎大將軍位相國紹為清河王加征南大

將軍熙為平陽王曜為河南王封故秦愍王子襲為

豫章王陳留王子右將軍悅為朱提王按明元帝

本紀帝諱嗣太祖長子也天興六年封齊王拜相國

天賜六年冬十月清河王紹作逆太祖崩帝入誅紹

壬申即皇帝位

天賜元年制爵四等封皇子為王宗室為公侯子定

郡縣品第之差詔皆置臣吏

按魏書道武帝本紀天賜元年秋九月帝臨昭陽殿

分置衆職引朝臣文武親自簡擇量能敘用制爵四

等曰王公侯子除伯男之號追錄舊臣加以封爵各

有差按官氏志天賜元年九月減五等之爵始分

為四曰王公侯子除伯男二號皇子及異姓元功上

勳者封王宗室及始蕃王皆降為公諸公降為侯侯

子亦以此為差於是封王者十人公者二十二侯

者七十九人子者一百三人王封大郡公封小郡侯

封大縣子封小縣王第一品公第二品侯第三品子

第四品十二月詔始賜王公侯子國臣吏大郡王二

百人次郡王上郡公百人次郡公五十人侯二十五

人子十二人皆立典師職比家臣總統羣議

按文獻通考後魏道武皇始元年始封五等至天賜

元年減五等之爵始分為四曰王公侯子除伯男之

號其後復加伯男焉

天賜四年封諸皇子修等四人為王常山王遵賜死

按魏書道武帝本紀四年春二月封皇子修為河間

王處文為長樂王連為廣平王黎為京兆王夏五月

常山王遵有罪賜死

明元帝末興元年冬十有一月戊戌封衛王儀子良

為南陽王陰平公元烈進爵為王高涼王樂真改封

平陽王

按魏書明元帝本紀云云

泰常七年封皇子燾等七人為王

按魏書明元帝本紀泰常七年夏四月甲戌封皇子

燾為泰平王燾字佛釐拜相國加大將軍丕為樂平

王加車騎大將軍彌為安定王加衛大將軍範為樂

安王加中軍大將軍健為末昌王加撫軍大將軍崇

為建寧王加輔國大將軍俊為新興王加鎮軍大將

軍按太武帝本紀帝諱燾太宗明元皇帝之長子

也泰常七年四月封泰平王五月為監國八年十月

壬申卽皇帝位

太武帝始光三年夏五月辛卯中山公元纂進爵爲王南安公元素復先爵常山王

按魏書太武帝本紀云云

延和元年以立皇太子詔王公將軍以下普增爵秩

按魏書太武帝本紀延和元年春正月丙午立皇子晃爲皇太子已詔曰朕以眇身獲奉宗廟思闡洪基廓清九服遭值季運天下分崩是用屢征罔或寧息自始光至今九年之間戎車十舉羣師文武荷戈

被甲櫛風沐雨蹈履鋒刃與朕均勞賴神祇之助將士宣力用此摧折強豎克翦大慙兵不極武而二寇俱滅師不違律而還方以寧加以時氣和洽嘉瑞並降遍于郡國不可勝紀豈朕一人獨應此祐斯亦羣后協同之所致也公卿因茲稽諸天人之會請建副貳夫慶賞之行所以褒崇勳舊旌顯賢能以末無疆之休其王公將軍以下普增爵秩啓國承家修廢官舉舊逸錫除煩苛更定科制務從輕約除故革新以正一統羣司當深思效績直道正身立功立事無或懈怠稱朕意焉

延和三年春閏月己卯彭城公元栗進爵爲王

按魏書太武帝本紀云云

太延二年冬閏月乙丑潁川王提改封武昌王

按魏書太武帝本紀云云

太平眞君元年冬十有二月以河南王曜子羯兒爲河間王後改封略陽王

按魏書太武帝本紀云云

太平眞君二年春三月庚戌新興王俊略陽王羯兒

有罪並黜爲公

按魏書太武帝本紀云云

太平眞君三年封皇子伏羅等五人爲王

按魏書太武帝本紀太平眞君三年冬十月己卯封皇子伏羅爲晉王翰爲秦王譚爲燕王建爲楚王余爲吳王

太平眞君四年詔諸功臣以爵歸第隨時朝請

按魏書太武帝本紀四年冬十有一月甲子詔曰朕承祖宗重光之緒思闡洪基恢隆萬世自經營天下平暴除亂埽清不順二十年矣夫陰陽有往復四時有代謝授于任賢所以休息優隆功臣式圖長久蓋古今不易之令典也其令皇太子副理萬機總統百揆諸朕功臣勤勞日久皆以爵歸第隨時朝請饗宴朕前論道陳謀而已不宜復煩以劇職更進賢俊以備百官主者明爲科制以稱朕心

太平眞君七年秋八月復略陽公羯兒王爵

按魏書太武帝本紀云云

太平眞君十年冬十有二月己酉以平昌公元託眞爲中山王

按魏書太武帝本紀云云

正平元年元旦大會羣臣受爵者二百餘人又封皇孫濬爲王尋以嫡嗣不果封因改建秦燕楚吳四王封國

按魏書太武帝本紀正平元年春正月丙戌朔大會羣臣於江上班賞各有差文武受爵者二百餘人冬十有二月丁丑封皇孫濬爲高陽王尋以皇孫世嫡不宜在藩乃止封秦王翰爲東平王燕王譚爲臨淮

王楚王建爲廣陽王吳王余爲南安王 按文成帝本紀帝諱濬恭宗景穆皇帝之長子也少聰達世祖愛之常置左右號世嫡皇孫正平二年十月戊申卽皇帝位於永安前殿

文成帝興安二年封建寧王崇子麗爲濟南王

按魏書文成帝本紀興安二年春正月辛巳封建寧王崇子麗爲濟南王二月己未司空京兆王杜元寶謀反伏誅建寧王崇崇子濟南王麗爲元寶所引各賜死

太安三年夏五月己巳封皇弟新成爲陽平王

按魏書文成帝本紀云云

太安四年春二月丙子登碣石山觀滄海大饗羣臣於山下班賞進爵各有差

按魏書文成帝本紀云云

太安五年夏四月乙巳封皇弟推爲京兆王

按魏書文成帝本紀云云

和平二年封皇弟小新成等四人爲王

按魏書文成帝本紀和平二年秋七月戊寅封皇弟小新成爲濟陰王加征東大將軍鎮平原天賜爲汝陰王加征南大將軍鎮虎牢萬壽爲樂浪王加征北大將軍鎮和龍洛侯爲廣平王

和平四年春三月乙未皇子胡仁薨追封樂陵王

按魏書文成帝本紀云云 按景穆十二王傳樂陵王胡兒景穆皇帝子和平四年薨追封樂陵諡曰康無子

按本紀作皇

和平五年春正月丁亥封皇弟雲爲任城王

按魏書文成帝本紀云云

獻文帝天安元年以元孔雀為濮陽王詔詐取爵位者削其爵假爵號者子孫不得襲

按魏書獻文帝本紀天安元年春正月乙亥以侍中元孔雀為濮陽王秋七月詔諸有詐取爵位罪特原之削其爵職其有祖父假爵號貨賂以正名者不聽繼襲諸非勞進超遷者亦各還初不以實聞者以大不敬論

皇興元年冬十月癸卯濮陽王孔雀坐怠慢降爵為公

按魏書獻文帝本紀云云

皇興二年秋九月辛亥封皇叔楨為南安王長壽為城陽王太洛為章武王休為安定王

按魏書獻文帝本紀云云

皇興四年夏五月封皇弟長樂為建昌王

按魏書獻文帝本紀云云

孝文帝延興元年冬十有二月壬辰復前濮陽王孔雀本封

按魏書孝文帝本紀云云

延興二年封皇叔略為王詔諸假爵不得世襲

按魏書孝文帝本紀延興二年冬十有一月丁亥封皇叔略為廣川王 按官氏志延興二年五月詔曰

非功無以受爵非能無以受祿凡出外遷者皆引此奏聞求乞假品在職有效聽下附正若無殊稱隨而削之舊制諸鎮將刺史假五等爵及有所貢獻而得假爵者皆不得世襲

延興五年冬十有二月丙寅建昌王長樂改封安樂王

按魏書孝文帝本紀云云

未明元年目辰及羅拔皆進爵為王元不進爵為正王孔雀有罪賜死

按魏書孝文帝本紀未明元年夏六月戊寅尚書左僕射南平公目辰為司徒進封宜都王秋七月甲辰濮陽王孔雀有罪賜死冬十月乙丑進征西大將軍

假東陽王元不爵為正王辛未濟南公羅拔進爵為王

太和三年冬十有一月癸丑進假梁郡公元嘉爵為假王督二將出淮陰

按魏書孝文帝本紀云云

太和五年夏六月戊午封皇叔簡為齊郡王猛為安豐王

按魏書孝文帝本紀云云

太和九年制封王者之祿各有差以廣陽王建第二子紹建為王封諸皇弟禧等六人皆為王

按魏書孝文帝本紀太和九年春二月己亥制皇子封王者皇孫及曾孫紹封者皇女封者歲祿各有差

以廣陽王建第二子嘉紹建後為廣陽王三月丙申封皇弟禧為咸陽王幹為河南王羽為廣陵王雍為

潁川王勰為始平王詳為北海王 按宣武帝本紀景明二年夏五月壬戌咸陽王禧謀反賜死

太和十年夏四月辛酉朔始制五等公服秋八月乙亥給尚書五等品爵已上朱衣玉珮大小組綬

按魏書孝文帝本紀云云

太和十三年春三月甲子夏州刺史章武王彬以貪賕削封夏六月汝陰王天賜南安王楨並坐贓賄免

為庶人

按魏書孝文帝本紀云云

太和十四年冬十月庚辰京兆王太興有罪免官削爵

按魏書孝文帝本紀云云

太和十六年降諸王公侯爵一等 按魏書孝文帝本紀十有六年春正月乙丑制諸遠屬非太祖子孫及異姓為王者皆降為公公為侯侯為伯子男仍舊皆除將軍之號

太和十八年徙建河南潁川二王封國定五等開國食邑者歲祿之差

按魏書孝文帝本紀十有八年春二月丙申河南王幹徙封趙郡潁川王雍徙封高陽冬十有二月己酉詔王公侯伯子男開國食邑者王食半公三分食一侯伯四分食一子男五分食一

太和十九年夏五月己巳城陽王鸞緒陽失利降為定襄縣王冬十有二月辛酉前南安王楨復本封

按魏書孝文帝本紀云云

太和二十年改建始平王勰封國復封城陽汝陰二王而以太興為西河王樂陵王思譽以坐事削爵

按魏書孝文帝本紀二十年春正月丁卯詔改姓為元氏壬辰改封始平王勰為彭城王以定襄縣王鸞復封城陽王冬十有一月乙酉復封前汝陰王天賜

孫景和為汝陰王前京兆王太興為西河王十有二月戊辰恆州刺史穆泰等在州謀反遣行吏部尚書任城王澄案治之樂陵王思譽坐知泰陰謀不告削爵為庶人

太和二十一年封皇子愉等三人爲王以齊郡王子琛爲河間王若後

按魏書孝文帝本紀二十有一年秋八月壬戌立皇子愉爲京兆王懌爲清河王懷爲廣平王冬十有二月戊戌以齊郡王子琛紹河間王若後 按宣武帝

本紀永平元年秋八月癸亥冀州刺史京兆王愉據州反乙丑假尚書李平鎮北將軍行冀州事以討之九月癸卯李平克信都元愉北走統軍叔孫頭執送信都羣臣請誅愉帝弗許詔送京師 按孝明帝本

紀正光元年秋七月丙子侍中元叉劉騰殺太傅領太尉清河王懌總攝禁兵

太和二十三年復樂陵王思譽本封復定王及五等封爵職次爲五品

按魏書孝文帝本紀二十有三年春二月癸亥復樂陵王思譽本封 按官氏志太和二十三年高祖復

次職令及帝崩世宗初班行之以爲永制王第一品開國縣公散公從第一品開國縣侯第二品散侯從

第二品開國縣伯第三品散伯從第三品開國縣子第四品散子從第四品開國縣男第五品歸義侯率

義侯順義侯朝服侯散男從第五品前世職次皆無從品魏氏始置之亦一代之別制也

宣武帝景明四年夏六月壬午朔封皇弟悅爲汝南王

按魏書宣武帝本紀云云 正始元年夏五月丁未朔太傅北海王詳以罪廢爲庶人秋八月丁酉封元英爲中山王

按魏書宣武帝本紀云云

正始三年春三月己卯樂浪王長命坐殺人賜死國除

按魏書宣武帝本紀云云 正始四年秋八月己亥中山王英坐鍾離敗退除名爲民

按魏書宣武帝本紀云云 永平元年秋九月丙戌復前中山王英本封冬十月丁巳詔復故北海王詳本封葬以王禮

按魏書宣武帝本紀云云 永平二年封故北海王子顯爲北海王又詔定同姓五等班爵出身之敘

按魏書宣武帝本紀永平二年秋九月辛巳封故北海王子顯爲北海王冬十有二月詔曰五等諸侯比

無選式其同姓者出身公正六下侯從六上伯從六下子正七上男正七下可依此敘之

永平三年冬十有二月辛巳江陽王繼坐事除名

按魏書宣武帝本紀云云 延昌四年春正月丁巳孝明帝卽位秋八月壬辰復

前江陽王繼本國以濟南王彧復先封爲臨淮王

按魏書孝明帝本紀云云 孝明帝熙平二年春二月丁未封御史中尉元匡爲

東平王夏四月乙卯安定王超改封北平王

按魏書孝明帝本紀云云 神龜元年夏四月甲辰江陽王繼改封京兆王

按魏書孝明帝本紀云云 神龜二年秋八月己未御史中尉東平王匡坐事削

除官爵

按魏書孝明帝本紀云云

正光四年追復咸陽王禧等三人王爵並改建其國尋復范陽王懌仍爲清河王河間王琛章武王融北海王顥俱以食汗削爵

按魏書孝明帝本紀正光四年春二月壬申追復故咸陽王禧爲敷城王京兆王愉爲臨洮王清河王懌

爲范陽王以禮加葬丁丑河間王琛章武王融並以食汗削爵秋八月癸未追復故范陽王懌爲清河王

冬十有二月徐州刺史北海王顥坐食汗削除官爵

正光五年臨淮王彧削爵尋復並復河間王琛北海王顥章武王融官爵

按魏書孝明帝本紀五年春三月沃野鎮人破落汗拔陵聚衆反詔臨淮王彧爲鎮軍將軍假征北將軍

都督北征諸軍事以討之夏五月臨淮王彧敗於五原削除官爵秋七月戊午復河間王琛臨淮王彧本

封六月秦州城人莫折太提據城反自稱秦王太提尋死子念生代立僭稱天子號年天建置百官秋九

月壬申詔復撫軍將軍北海王顥官爵爲都督並率諸將西討冬十有二月壬辰汾州正平陽山胡叛

逆詔復征東將軍章武王融封爵爲大都督率衆討之

孝昌元年春二月詔復樂浪王長命本爵以其子忠紹之

按魏書孝明帝本紀云云 孝昌二年追復中山王熙本爵子叔仁紹之封元略

義陽王尋改東平復京兆王繼本封江陽王進封廣川公邵武城公子攸皆爲王

按魏書孝明帝本紀正光元年秋八月甲寅相州刺史中山王熙舉兵欲誅侍中元叉劉騰不果見殺孝昌二年春三月庚子追復中山王熙本爵子叔仁紹之夏五月丁未前給事黃門侍郎元略自蕭衍還朝封義陽王六月丙子義陽王略改封東平王戊寅詔復京兆王繼本封江陽王秋八月丙子進封廣川縣公元邵為常山王戊子進散騎常侍御史中尉武城縣開國公于攸為長樂王 按孝莊帝本紀帝諱于攸彭城王勰之第三子肅宗初以勰有魯陽翼衛之勳封武城縣開國公孝昌二年八月進封長樂王武泰元年春二月肅宗崩帝即位

孝昌三年春二月丁未追復故東平王匡爵改封濟南王
按魏書孝明帝本紀云云
武泰元年太后以臨洮世子釗踐阼詔亡官失爵聽復封位

按魏書孝明帝本紀武泰元年春正月乙丑皇女生祕言皇子二月癸丑帝崩甲寅皇子即位皇太后詔曰皇家握曆受圖年將二百祖宗累聖社稷載安高祖以文思先天世宗以下武經世股肱惟良元首穆穆及大行在御重以寬仁奉養率由溫明恭順朕以寡昧親臨萬國識謝塗山德慚文母屬妖逆遞興四郊多故實望穹靈降祐麟趾衆繁自潘充華有孕椒宮冀誕儲兩而熊羆無兆維艱遂彰于時直以國步未康假稱統嗣欲以底定物情係仰宸極何圖一旦弓劍莫追國道中微大行絕祀皇曾孫故臨洮王寶暉世子釗體自高祖天表卓異大行平日養愛特深

義齊若子事符當璧及翌日弗愈大漸彌留乃延入青蒲受命玉几暨陳衣在庭登策靡及允膺大寶即日踐阼朕是用惶懼忸怩心焉靡泊今喪君有君宗祏惟固宜崇貴卿士爰及百辟凡厥在位並加陟敘內外百官文武督將征人遭艱解府普加軍功二階其禁衛武官直閣以下直從以上及主帥可軍功三階其亡官失爵聽復封位謀反大逆削除者不在斯限清議禁錮亦悉蠲除若二品以上不能自受者任授兄弟可班宣遠邇咸使聞知

孝莊帝末安元年大封同姓諸王並追復故爵

按魏書孝莊帝本紀末安元年春二月肅宗崩大都督朱榮將向京師謀欲廢立以帝家有忠勳且兼民望陰與帝通榮乃率衆來赴夏四月丙申帝與兄弟夜北渡河丁酉會榮於河陽戊戌南濟河即帝位以兄彭城王勰為無上王弟霸城公子正為始平王以榮為使持節侍中都督中外諸軍事大將軍尚書令領軍將軍領左右封太原王己亥百寮相率有司奉璽綬備法駕奉迎於河梁庚子車駕巡河西至陶渚榮以兵權在己遂有異志乃害靈太后及幼主次害無上王勰始平王子正又害丞相高陽王雍司空公元欽儀同三司元悅芝儀同三司東平王略廣平王禧常山王邵北平王超任城王彞趙郡王敏中山王叔仁齊郡王溫公卿已下二千餘人列騎衛帝遷於便幕既而榮悔稽顙謝罪辛丑車駕入宮御太極殿詔改武泰為建義元年壬寅太原王朱榮上表請追諡無上王為皇帝詔從之癸卯以安南將軍并州刺史元天穆為太尉公封上黨王中將軍殿中

尚書元讓為儀同三司尚書左僕射封魏郡王中軍將軍給事黃門侍郎元瑱為東海王甲辰追復故廣陽王淵故安樂王鑒爵通直散騎常侍敷城王坦為咸陽王諫議大夫元貴平為東萊王直閣將軍元肅為魯郡王祕書郎中元暉為長廣王以北平王超還復為安定王是月汝南王悅北海王顗臨淮王彧前後奔蕭衍六月丁亥朔追封兄真定縣開國公于直為陳留王秋七月臨淮王彧自江南還朝九月己巳以征東將軍齊州刺史元欣為沛郡王乙亥以平葛榮大赦天下改為末安元年冬十有一月戊午以無上王世子詔為彭城王陳留王子寬為陳留王寬弟剛為浮陽王剛弟質為林慮王戊寅以上黨王天穆為大將軍開府世襲并州刺史封前將軍太中大夫元疑為東安王 按孝明帝本紀孝昌二年以廣陽王野白牛過三年安樂王鑒據相州反都督源子邕等斬鑒故於見年復爾

末安二年封元祉元鸞等五人為王

按魏書孝莊帝本紀二年夏五月丁丑進封城陽開國公元祉為平原王安昌縣開國侯元鸞為華山王並加儀同三司秋七月己卯以鎮東將軍南青州刺史元旭為襄城王平南將軍南兗州刺史元暹為汝陽王八月丁卯封瓜州刺史元太榮為東陽王末安三年封元寶炬進元脩元誕皆為王又改建趙郡王真封國
按魏書孝莊帝本紀三年冬十月癸卯朔封安南將軍大鴻臚卿元寶炬為南陽王太宗正卿汝陽縣開國公元脩為平陽王通直散騎常侍龍驤將軍新陽縣開國伯元誕為昌樂王甲辰以魏郡王諶弟子趙

郡王寔改封平昌王 按出帝本紀帝諱脩廣平武穆王懷之第三子也始封汝陽縣開國公永安三年封平陽王中興二年夏四月戊子即皇帝位

前廢帝普泰元年改建長廣王聘沛郡王欣封國封皇弟永業皇子子恕皆爲王

按魏書前廢帝本紀普泰元年春三月癸酉封長廣王聘爲東海王詔特進車騎大將軍沛郡王欣爲太傅司州牧改封淮陽王秋九月癸巳封皇弟永業爲高密王皇子子恕爲渤海王

出帝末熙元年封後廢帝爲安定郡王南陽王寶炬坐事降歸第封元寧爲高平王以沛王欣爲廣陵王而以沛郡王封前廢帝子渤海王子恕

按魏書後廢帝本紀中興二年夏四月辛巳遜位太昌元年五月封安定郡王邑一萬戶 按出帝本紀中興二年夏四月戊子即帝位詔改中興二年爲太昌元年六月丁卯太尉公司州牧南陽王寶炬坐事降爲驃騎大將軍開府王如故歸第令羽林衛守秋八月丁卯以西中郎將元寧爲高平王九月癸丑以太師沛王欣爲廣陵王前廢帝子渤海王子恕改封沛郡王冬十二月丁亥改太昌爲末興以太宗號尋改爲承熙 按孝靜帝本紀宇文黑獺既害出帝乃以南陽王寶炬僭尊號

末熙三年春二月壬午以驃騎將軍左衛將軍元斌之爲潁昌王夏四月辛未高平王寧坐事降爵爲公 按魏書出帝本紀云云

孝靜帝天平二年秋七月甲戌封汝南王悅孫綽爲琅邪王

按魏書孝靜帝本紀云云 興和元年春三月甲寅朔封常山郡王邵第二子曜爲陳郡王

按魏書孝靜帝本紀云云 興和二年夏閏月己丑封皇子景植爲宜陽王皇弟威爲清河王謙爲潁川王

按魏書孝靜帝本紀云云 是年間 興和四年夏六月丙申復前侍中樂浪王忠爵丁酉復陳留王景皓常山王紹宗高密王末業爵

按魏書孝靜帝本紀云云 武定元年夏四月封彭城王韶弟襲爲武安王六月戊寅封前員外散騎侍郎元長春爲南郡王

按魏書孝靜帝本紀云云 武定二年秋九月甲申太師咸陽王坦坐事免以王還第

按魏書孝靜帝本紀云云

北齊 北齊制王以下五等之爵而皇子王則位三公上其府僚自師以下悉如梁制而國官則遞降不一 按隋書百官志後齊制官王位列大司馬上非親王則位在三公下置師一人餘官大抵與梁制不異其封內之調盡以入臺三分食一公已下四分食一皇子王國置郎中令大農中尉常侍各一人侍郎二人上中下三將軍各一人上中大夫各二人防閑四人典書典祠學官典衛等令各一人齋帥四人食官廐牧長各一人典醫丞二人典府丞一人執書二人謁者四人舍人十人等員諸王國則加有陵長廟長常

侍各一人而無中將軍員上中大夫各減一人諸公又減諸王防閑齋帥典醫丞等員諸侯伯子男國又減諸公國將軍大夫員王爲第一品開國郡公爲從一品散郡公開國縣公爲第二品散縣公開國縣侯爲從二品散縣侯開國縣伯爲第三品散縣伯爲從第三品開國縣子爲第四品散縣子爲從第四品開國縣男爲第五品開國鄉男散縣男爲從第五品 按禮儀志後齊開諸王以臨軒日上水一刻吏部令史乘馬齋召版詣王第王乘高車鹵簿至東掖門止乘輅車既入至席尚書讀冊訖以授王又授章綬事畢乘輅車入鹵簿乘高車詣閭闔門伏闕表謝報訖拜廟還第就第則鴻臚卿持節吏部尚書授冊侍御史授節使者受而出乘輅車持節詣王第入就西階東面王入立於東階西面使者讀冊博士讀版王俛伏興進受冊章綬茅土俛伏三稽首還本位謝如上儀在州鎮則使者受節冊乘輅車至州如王第 諸王五等開國太妃妃恭拜冊軸一枚長二尺以白練衣之用竹簡十二枚六枚與軸等六枚長尺二寸文出集書書皆篆字哀冊贈冊亦同 諸王五等開國及鄉男恭拜以其封國所在方取社壇方面土包以白茅內青箱中函方五寸以青塗飾封授之以爲國社 清河中著令定制凡東西南北四藩諸國王章上藩用中金中藩用下金下藩用銀並方寸龜鈕諸王纁朱綬四采赤黃纁紺純朱質纁文織長二丈一尺二百四十首廣九寸開國郡縣公散郡縣公元朱綬四采元赤纁紺朱質元文織長一丈八尺百八十首廣八寸開國縣侯伯散縣侯伯青朱綬四采青赤

白繅朱質青文織長一丈六尺百四十首廣七寸開國縣子男散縣子男名號侯開國鄉男素朱綬三采青赤白朱質白文織長一丈四尺百二十首廣六寸凡綬先合單紡爲一絲絲四爲一扶扶五爲一首首五成一文采純爲質首多者絲細首少者絲蠶官有綬者則有紛皆長八尺廣三寸各隨綬色若服朝服則佩綬服公服則佩紛

文宣帝天保元年封宗室高岳等十人及皇弟浚等十三人文襄帝二子皆爲王

按北齊書文宣帝本紀天保元年夏六月辛巳詔封宗室高岳爲清河王高隆之爲平原王高歸彥爲平秦王高思宗爲上洛王高長弼爲廣武王高普爲武興王高子瑗爲平昌王高顯國爲襄樂王高顯爲趙郡王高孝緒爲循城王癸未詔封諸弟青州刺史浚爲永安王尚書左僕射淹爲平陽王定州刺史洩爲彭城王儀同三司演爲常山王冀州刺史渙爲上黨王儀同三司洸爲襄城王儀同三司湛爲長廣王潛爲任城王湜爲高陽王濟爲博陵王凝爲新平王潤爲馮翊王洽爲漢陽王秋七月辛亥又詔封文襄皇帝子孝琬爲河間王孝瑜爲河南王按孝昭帝本紀演神武皇帝第六子文宣皇帝之母弟也魏元象元年封常山郡公天保初進爵爲王除大司馬錄尚書事文宣崩帝居禁中護喪事幼主即位月餘乃居藩邸乾明元年詔帝爲大丞相都督中外諸軍錄尚書事帝尋如晉陽有詔軍國大政咸諮決焉廢帝恭己以聽政太皇太后尋下令廢少主命帝統大業按武成帝本紀帝諱湛神武皇帝第九子孝昭皇帝

之母弟也元象中封長廣郡公天保初進爵爲王皇建二年孝昭崩遺詔徵帝入統大位天保六年春三月丙申封世宗二子孝珩爲廣寧王延宗爲安德王

按北齊書文宣帝本紀云云

天保十年封皇子紹廉紹義爲王廢帝即位改建紹

仁紹義紹廉封國

按北齊書文宣帝本紀十年閏四月乙巳封皇子紹廉爲長樂郡王秋八月戊戌封皇子紹義爲廣陽郡王

按廢帝本紀十年十一月癸卯即帝位十二月

戊戌改封上黨王紹仁爲漁陽王紹義爲范陽王長

樂王紹廉爲隴西王

按北齊書廢帝本紀乾明元年春三月壬申封文襄

第二子孝珩爲廣寧王第三子長恭爲蘭陵王秋八

月壬午太皇太后令廢帝爲濟南王令食一郡

武成帝大寧元年冬十一月乙卯封孝昭皇帝太子

百年爲樂陵郡王

按北齊書武成帝本紀云云

河清三年秋九月乙丑封皇子綽爲南陽王儼爲東

平王

按北齊書武成帝本紀云云

後主天統二年封太上皇帝子儼等五人爲王

按北齊書後主本紀天統二年夏四月己亥封太上

皇帝子儼爲東平王仁弘爲齊安王仁固爲北平王

仁英爲高平王仁光爲淮南王

按北齊書後主本紀武平元年秋七月癸丑封孝昭

皇帝子彥基爲城陽王彥康爲定陵王彥忠爲梁郡

王

天統三年太上皇帝詔封皇子仁機等六人爲王

按北齊書後主本紀三年夏六月己未太上皇帝詔

封皇子仁機爲西河王仁約爲樂浪王仁儉爲潁川

王仁雅爲安樂王仁統爲丹陽王仁謙爲東海王

天統五年春二月己丑改東平王儼爲琅邪王

按北齊書後主本紀云云

武平元年封孝昭帝子彥基等三人爲王

按北齊書後主本紀武平元年秋七月癸丑封孝昭

皇帝子彥基爲城陽王彥康爲定陵王彥忠爲梁郡

王

武平二年春正月辛亥追贈故琅邪王儼爲楚王

按北齊書後主本紀云云

北周

北周班爵五等各置國官一如周制自普加開國之

外又各視所授之職以爲加官後亦增改無常

按隋書百官志周太祖初據關內官名未改魏號及

方隅粗定改創章程命尚書令盧辯遠師周之建職

其所制班序外命諸公九命諸侯八命諸伯七命諸

子六命諸男五命諸公之孤卿四命侯之孤卿公之

大夫三命子男之孤卿侯伯之大夫公之上士再命

子男之大夫公之中士侯伯之上士一命公之下士

侯伯之中士下士子男之士不命制度既畢太祖以

魏恭帝三年始命行之按禮儀志三公諸侯皆金

印方寸二分高八分龜鈕七命已上銀四命已上銅

皆龜鈕三命已上銅印銅算其方皆寸其高六分文

曰某公官之印諸公組綬以黃以白以元以纁以紅

以紫以緞以碧以綠九色諸侯八色自白以下諸伯

七色自元以下諸子六色自纁以下諸男五色自紅以下其璽印之綬亦如之

按周書盧辯傳周制封郡縣五等爵者皆加開國授柱國大將軍開府儀同者並加使持節大都督其開府又加車騎大將軍散騎常侍其授總管刺史則加使持節諸軍事以此為常大象元年詔總管刺史及行兵者加持節餘悉罷之建德四年增置上柱國大將軍改儀同二司為儀同大將軍

孝閔帝元年詔封宇文護為晉國公改封永昌郡公廣為天水郡公

按周書孝閔帝本紀元年春正月乙卯詔曰惟天地草昧建邦以寧今可大啓諸國為周藩屏於是封中山公護為晉國公邑萬戶二月乙亥改封永昌郡公廣為天水郡公

明帝武成元年封章武公二子為公進輔城安城秦郡正平四公封國封皇弟儉等六人為國公又進天水公封國邑萬戶

按周書明帝本紀武成元年春正月丙辰封大將軍

章武孝公導子亮為永昌公翼為西陽公秋九月辛未進封輔城公邑為魯國公安城公憲為齊國公秦郡公直為衛國公正平公招為趙國公封皇弟儉為譙國公純為陳國公盛為越國公達為代國公通為冀國公道為滕國公進封天水公廣為蔡國公邑萬戶

按武帝本紀帝諱邕太祖第四子也年十二封輔城郡公世宗武成元年進封魯國公二年夏四月

世宗崩壬寅即皇帝位武帝保定元年封孝閔帝子康皇子贊為國公又追

封皇伯父顯等五國

按周書武帝本紀保定元年夏五月丙午封孝閔皇帝子康為紀國公皇子贊為魯國公秋七月己酉追封皇伯父顯為邵國公以晉公子江陵公會為後次伯父連為杞國公以章武孝公子永昌公亮為後第三伯父洛生為莒國公以晉公子崇業公至為後又追封武邑公震為宋國公以世宗子實為後並襲封是歲追封皇族伯祖仲為虞國公按宣帝本紀帝諱贊高祖長子也保定元年五月丙午封魯國公建德元年四月癸巳立為皇太子宣政元年六月丁酉高祖崩戊戌即皇帝位

保定三年秋九月己丑初令世襲州郡縣者改為五等爵州封伯郡封子縣封男

按周書武帝本紀云云

保定四年夏五月壬戌封世宗長子賢為畢國公

按周書武帝本紀云云

保定五年夏五月丙戌以皇族父興為大將軍襲虞國公封

按周書武帝本紀云云

天和二年春三月甲辰大赦天下以官失爵並聽復舊

按周書武帝本紀云云

天和五年改邵國公會為譚國公封邵惠公孫胄為邵國公又追封章武公導為幽國公

按周書武帝本紀天和五年春二月己巳邵惠公顯孫胄自齊來歸改邵國公會為譚國公封胄為邵國公冬十一月乙丑追封章武孝公導為幽國公以蔡

國併於幽

建德元年夏五月封衛國公直長子寶為莒國公紹莒莊公洛生後

按周書武帝本紀云云

建德三年春進封齊衛等十五國公為王夏追復晉國公護及諸子先封秋衛王直免為庶人又詔自建德元年以前失官爵者聽復舊

按周書武帝本紀建德元年春三月丙辰誅大冢宰

晉國公護護子柱國譚國公會會弟大將軍莒國公至崇業公靜三年春正月戊戌朝羣臣於露門開柱國齊國公憲衛國公直趙國公招譙國公儉陳國公純越國公盛代國公達滕國公道並進爵為王二月

丁酉紀國公康畢國公賢鄆國公貞宋國公實漢國公贊秦國公贊曹國公允並進爵為王夏五月丁卯詔故晉國公護及諸子並追復先封改葬加諡秋七月乙酉衛王直在京師舉兵反敗走八月辛卯擒直於荊州免為庶人乙未詔自建德元年八月以前犯罪未被推糾於後事發失官爵者並聽復舊

建德五年冬十二月丙寅封齊王憲子安城郡公質為河間王

按周書武帝本紀云云

建德六年封廣都公質為莒國公皇子充允俱為王按周書武帝本紀六年秋七月己卯封齊王憲第四子廣都公質為莒國公紹莒莊公洛生後冬十一月壬申封皇子充為道王允為蔡王

宣政元年六月戊戌宣帝即位秋九月庚戌封皇弟元為荆王

按周書宣帝本紀云云

宣帝大象元年封皇子衍爲魯王尋傳位封趙王招子貫爲末康王建趙陳越代滕五國各萬戶令五王就國

按周書宣帝本紀大象元年春正月癸卯封皇子衍爲魯王戊午立魯王衍爲皇太子二月辛巳詔傳位於衍自稱天元皇帝三月辛酉封趙王招第二子貫爲末康縣王夏五月辛亥以洛州襄國郡爲趙國以齊州濟南郡爲陳國以豐州武當安富一郡爲越國以潞州上黨郡爲代國以荊州新野郡爲滕國邑各一萬戶令趙王招陳王純越王盛代王達滕王迺竝之國

大象二年春以末昌公椿爲杞國公夏靜帝封皇弟術衍二人俱爲王

按周書宣帝本紀二年春三月辛卯以末昌公椿爲杞國公紹簡公連後按靜帝本紀二年夏五月己酉宣帝崩帝入居天臺秋七月癸丑封皇弟術爲鄴王衍爲鄧王

隋

隋高祖班爵九等以同姓爲親王王以下各置府僚國官至煬帝定令唯存三等而僚屬亦皆省改

按隋書百官志高祖置國王郡王國公郡公縣公侯伯子男凡九等皇伯叔昆弟皇子爲親王置師友各一人文學二人長史司馬諮議參軍事掾屬各一人主簿二人錄事功曹記室戶倉兵等曹騎兵城局等參軍事東西閣祭酒各一人參軍事四人法田水鎧士等曹行參軍各一人行參軍六人長兼行參軍八

人典籤二人嗣王則無師友諸王置國官有令大

農各一人尉各二人典衛各八人常侍各二人侍郎各四人廟長學官長各一人食官廩收長丞各一人

典府長丞各一人舍人各四人等員高祖又採後周之制置上柱國柱國上大將軍大將軍上開府儀同三司開府儀同三司上儀同三司儀同三司大都督帥都督都督總十一等以酬勤勞上柱國嗣王郡王無主簿錄事參軍東西閣祭酒長兼行參軍等員而加參軍事爲五行參軍爲十二人柱國又無騎兵參軍事水曹行參軍等員而減參軍事行參軍各一人上大將軍又無諮議參軍事田曹鎧曹行參軍員又減行參軍一人大將軍又無掾屬員又減參軍事二人上開府又無法曹士曹行參軍參軍事員開府又無典籤員減行參軍二人上儀同又無功曹城局參軍事員又減行參軍二人儀同又無倉曹員減行參軍三人上柱國柱國公減典衛二人無侍郎員侯伯又減典衛二人食官廩收長各一人子男又減尉典衛常侍舍人各一人上大將軍大將軍公同柱國子男其侯伯減公典衛侍郎廩收丞各一人子男無令無典衛又減舍人一人上開府開府公同大將軍子男其侯伯又無常侍無食官廩收丞子男又無侍郎廩收長上儀同儀同公同開府子男其侯伯又無尉無學官長子男又無廩長食官長郡王與上柱國公同國公無上開府已上官者上開府公同散郡公與儀同侯伯同散縣公與儀同子男同王公已下

三品已上又並有親信帳內各隨品高卑而制員王爲正一品郡王國公開國郡縣公爲從一品開國侯

爲正二品開國伯爲正三品開國子爲正四品開國

男爲正五品開皇中置國王郡王國公郡公縣公侯伯子男爲九等者至煬帝三年定令唯留王公侯

三等餘並廢之王府諸司參軍更名諸司屬參軍則直以屬爲名改國令爲家令自餘以國爲名者皆去之按禮儀志隋臨軒冊命諸王陳車輅百司定列內史令讀冊訖受冊者拜受出又引次受冊者如上儀若開開國郊社令奉茅土立於仗南西面每受冊訖授茅土焉

高祖開皇元年封皇弟諲爽二人皇子廣俊秀諱四

人及楊智積等皆爲王既又改封越王秀爲蜀王

按隋書高祖本紀開皇元年春二月乙亥封皇弟郡國公慧爲滕王同安公爽爲衛王皇子雁門公廣爲

晉王俊爲秦王秀爲越王諱爲漢王丁丑以陳雷郡公楊智積爲蔡王興城郡公楊靜爲道王夏五月戊

子封邗國公楊雄爲廣平王末康郡公楊弘爲河間王秋九月辛未以越王秀爲益州總管改封蜀王

按煬帝本紀帝諱廣高祖第二子也在周以高祖勳封爲鴈門郡公開皇元年立爲晉王九年歸藩及太

子男廢立上爲皇太子仁壽四年七月高祖崩上即位

開皇二年夏六月庚午以衛王爽子集爲遂安郡王

按隋書高祖本紀云云

開皇十年春正月乙未以皇孫昭爲河南王楷爲華陽王

按隋書高祖本紀云云

按隋書高祖本紀云云

開皇十三年春二月己卯立皇孫暕為豫章王秋九月庚申以邵國公楊綸為滕王

按隋書高祖本紀云云

開皇十六年封皇孫裕等七人為王

按隋書高祖本紀十六年春正月丁亥以皇孫裕為平原王筠為安成王嶷為安平王恪為襄城王該為高陽王韶為建安王暕為潁川王

開皇十七年詔諸勳臣子孫宜量才升用俾享世祿秦王俊坐事免官以王就第

按隋書高祖本紀十七年夏四月壬午詔曰周曆告終羣凶作亂疊起蕃服毒被生人朕受命上元廓清區宇聖靈垂祐文武同心申明公穆郎襄公孝寬廣

平王雄蔣國公齊國公勳齊國公頴越國公素魯國公慶則新寧公長又宜陽公世積趙國公羅雲隴

西公詢廣業公景真昌公振沛國公譚項城公子相鉅鹿公子幹等登庸納揆之時草昧經綸之日丹誠

大節心盡帝圖茂績殊勳力宣王府宜弘其門緒與國同休其世子世孫未經州任者宜量才升用庶享

榮位世祿無窮秋七月丁亥上柱國并州總管秦王俊坐事免以王就第

開皇二十年冬十月乙丑皇太子勇及諸子並廢為庶人

按隋書高祖本紀云云

仁壽二年冬十二月癸巳上柱國益州總管蜀王秀廢為庶人

按隋書高祖本紀云云

煬帝大業元年秋七月丙午滕王綸衛王集竝奪爵徙邊

按隋書煬帝本紀云云

大業二年進封豫章王暕為齊王封皇孫倓等三人為王立秦王俊子浩為秦王

按隋書煬帝本紀大業二年夏六月壬子進封豫章王暕為齊王秋八月辛卯封皇孫倓為燕王侗為越

王侑為代王九月立秦孝王俊子浩為秦王按恭帝本紀帝諱侑元德太子之子也大業三年立為陳

王後數載徙為代王邑萬戶義兵入長安尊煬帝為太上皇奉帝纂業

大業六年詔已後唯有功勳乃得賜封仍令子孫承襲又改封安德王雄為觀王河間王子慶為郇王

按隋書煬帝本紀六年春二月乙卯詔曰夫帝圖草創王業艱難咸仗股肱叶同心德用能拯厥頽運克

膺大寶然後疇庸茂賞開國承家誓以山河傳之不朽近代喪亂四海未一茅土妄假名實相乖歷茲未

久莫能懲革皇運之初百度伊始猶循舊貫未暇改作今天下交泰文軌攸同宜率遵先典永垂大訓自

今已後唯有功勳乃得賜封仍令子孫承襲丙辰改封安德王雄為觀王河間王子慶為郇王

欽定古今圖書集成明倫彙編官常典

第十四卷目錄

宗藩部彙考六

唐 總一則 高祖武德六則 太宗貞觀十則 乾封一則 儀鳳二則 永隆一則 咸亨一則 上元一則 中宗開元九則 神龍一則 景龍一則 睿宗景雲一則 先天一則 元宗開元七則 天寶一則 肅宗至德一則 代宗大曆二則 德宗建中一則 貞元三則 憲宗元和二則 穆宗長慶一則 敬宗寶曆一則 文宗太和三則 則 開成二則 武宗會昌二則 宣宗大中七則 懿宗咸通五則 僖宗中和一則 光化一則 昭宗大順一則 乾寧二則 天祐一則 天復一則 天祐一則 哀帝天祐一則

後梁 太祖開平一則 末帝乾化一則 龍德一則 莊宗同光一則 明宗長興二則 唐帝清泰一則

後唐 高祖天福二則

後晉 太祖廣順一則 世宗顯德一則 恭帝顯德一則 太祖神冊一則 天顯一則 太宗天祚三則 景宗保寧三則 乾亨二則 聖宗統和六則 開泰六則 太平二則 興宗重熙六則 道宗清寧四則 咸雍二則 天祚帝乾統三則 大安一則 天慶一則

官常典第十四卷

宗藩部彙考六

唐

唐以司封掌九等之爵而班位則御史大夫正之各置府僚國官隨時增減不一

按唐書百官志尚書省吏部司封郎中一人從五品上員外郎一人從六品上掌封命朝會賜予之級凡爵九等一日王食邑萬戶正一品二曰嗣王郡王食邑五千戶從一品三曰國公食邑三千戶從一品四曰開國郡公食邑二千戶正二品五曰開國縣公食邑千五百戶從二品六曰開國縣侯食邑千戶從三品七曰開國縣伯食邑七百戶正四品上八曰開國縣子食邑五百戶正五品上九曰開國縣男食邑三百戶從五品上皇兄弟皇子皆封國為親王皇太子子為郡王親王之子承嫡者為嗣王諸子為郡公以恩進者封郡王襲郡王嗣王者封國公親王女為縣主從二品凡王公十五以上預朝集宗親女婦諸王長女月二參王公之家卜祝占相不入門王妃縣主嫠居有子者不再嫁凡外命婦王嗣王郡王之母妻為妃國公之母妻為國夫人朝參視夫子之品親王孺人二人視正五品賸十人視從六品國公賸六人視從七品凡置賸上其數補以告身凡封戶三丁以上為率歲租三之一入于朝廷食實封者得真戶分食諸州諸王食邑皆有課戶名山大川畿內之地皆不以封 御史臺大夫朝會則率其屬正百官之班序凡諸王入朝及以恩追至者日參凡朝位以官官同者異姓為後親王嗣王任文武官者從其班官卑

者從王品郡王任三品以下職事者居同階品之上非任文武官者嗣王居太子太保之下郡王次之國公居三品之下郡公居從三品之下縣公居四品之下侯居從四品之下伯居五品之下子居從五品之上男居從五品之下 王府官傳一人從二品掌輔正過失諮議參軍事一人正五品上掌計謀議事友一人從五品下掌侍游處規諷道義侍讀無定員文學一人從六品上掌校典籍侍從文章東西閣祭酒各一人從七品上掌禮賢良導賓客

注 自祭酒以下為王官武德中置師一人常侍二人侍郎四人皆掌表啓書疏贊相禮儀舍人四人掌通傳引納謁者二人舍人二人諮議參軍事友皆正五品下文學祭酒皆正六品下高宗中宗時相王府長史以宰相兼之魏雍衛王府以尚書兼之徐韓二王為刺史府官同外官資望愈下末淳

以前王未出閣則不開府天授二年置皇孫府官元宗諸子多不出閣王官益輕而員亦減矣景雲二年改師曰傳開元二年廢尋復置廢常侍侍郎謂者舍人開成元年改諸王侍讀曰奉諸王講讀大初復舊

長史一人從四品上司馬一人從四品下皆掌統府僚紀綱職務掾一人掌通判功曹倉曹戶曹事屬一人皆正六品上掌通判兵曹騎曹法曹士曹事主簿一人掌覆省書教記室參軍事二人掌表啓書疏錄事參軍事一人皆從六品上掌府事句稽省署鈔目錄事一人從九品下功曹參軍事掌文官簿書考課陳設倉曹參軍事掌祿稟廚膳出內市易畋漁芻蕘

戶曹參軍事掌封戶僮僕弋獵過所兵曹參軍事掌武官簿書考課儀衛假使騎曹參軍事掌廐牧騎乘文物器械法曹參軍事掌按訊決刑士曹參軍事掌土功公廨自功曹以下各一人正七品上參軍事二人正八品下行參軍事四人從八品上皆掌出使雜檢校典籤二人從八品下掌宣傳書教

注武德中改功曹以下書佐法曹行書佐士曹佐皆曰參軍事長兼行書佐曰行參軍廢城局參軍事又有鎧曹參軍事二人掌儀衛兵仗田曹參軍事一人掌公廨職田弋獵水曹參軍事二人掌舟船漁捕芻草皆正七品下家吏二人百司問事謁者一人正七品下司閣一人正九品下貞觀中廢鎧曹田曹水曹武后時家吏以下皆廢主簿記室有史二人錄事功曹倉曹兵曹騎曹法曹士曹各府二人史二人戶曹府史各二人自典籤以上爲府官郡王嗣王不置長史

親事府典軍二人正五品上副典軍二人從五品上皆掌校尉以下守衛陪從兼知鞍馬校尉五人從六品上旅帥從七品下隊正從八品下隊副從九品下皆掌領事帳內陪從自旅帥以下視親事多少乃置帳內府典軍二人正五品上副典軍二人從五品上自校尉以下員品如親事府

注初典軍以武官及流外爲之領執仗帳內等秦王齊王府置左右六護軍府左右親軍府左右帳內府左一右一護軍府護軍各一人副護軍各二人長史錄事參軍事倉曹兵曹鎧曹參軍事各一人統軍各五人別將各一人左二右二護軍府左

三右三護軍府減統軍三人別將六人左右親軍府統軍各一人長史各一人錄事參軍事兵曹鎧曹參軍事左別將右別將各一人帳內府職員與護軍府同又有庫直隸親事府驅咍直隸帳內府選材勇爲之貞觀中庫直以下皆廢親事府有府一人史二人執仗親事十六人執弓仗執乘親事十六人掌供騎乘親事三百三十人帳內府有府一人史一人帳內六百六十七人

親王國令一人從七品下大農一人從八品下掌判國司尉一人正九品下丞一人從九品下學官長丞各一人掌教授內人食官長丞各一人掌營膳食廐牧長丞各二人掌畜牧典府長丞各二人掌府內雜事長皆正九品下丞皆從九品下

注有典衛八人掌守衛陪從舍人四人錄事一人府四人史八人

節度使封郡王有奏記一人京兆河南牧大都督大都護皆親王遙領兩府之政以尹主之大都督府之政以長史主之大都護之政以副大都護主之副大都護則兼王府長史其後有持節爲節度副大使知節度事者正節度也諸王拜節度大使者皆置京師一西都東都北都牧各一人西都東都北都鳳翔成都河中江陵興元興德府尹各一人掌宣德化歲巡屬縣觀風俗錄囚恤鰥寡親王典州則歲以上佐巡縣按軍服志天子有皇帝行璽以報王公書皇帝之璽以勞王公皇帝信璽以名王公蕃國給銅魚符雄雌各十二銘以國名雄者進內雌者付其國朝貢使各齎其月魚而不至不合者劾奏親王以金契名

勘合乃赴題其位姓名盛以魚袋

按杜氏通典臨軒開命諸王大臣將開命前一日尚舍奉御設御帳於太極殿北壁南向守宮設羣官次於朝堂太樂令展宮懸於殿庭又設舉麾位於上下並如常儀其日典儀設羣官版位文官一品以下五品以上於懸東六品以下於大橫街之南俱西面武官一品以下五品以上於懸西六品以下於大橫街之南俱東面以北爲上並如常儀設受冊者位於大街之南東重行北面西上設典儀位於懸之東北贊者二人在南少退俱西向奉禮設門外位文官於東朝堂西面武官於西朝堂東面俱每等異位重行北上其日依時刻諸衛衛所部列仗屯門及陳於殿庭如常儀受冊者服朝服從第備簿與羣官俱集朝堂次羣官各服其服贊引引羣官俱出次典調引就朝堂前位版奏請中嚴嚴鼓近仗入陳於殿庭太樂令帥工人入就位協律郎入就舉麾位諸侍衛之官各服其器服符寶郎奉寶俱詣閣奉迎典儀帥贊者先入就位通事舍人引羣官入就位又引受冊者入立於太極門外道東西向中書侍郎以冊置於案令史二人皆絳公服對立於左延明門內道北西面侍郎立於案後侍中版奏外辦皇帝服通天冠絳紗袍御輿以出曲直華蓋警蹕侍衛如常儀皇帝將出仗動太樂令撞黃鐘之鐘右五鐘皆應協律郎跪俛伏興舉麾鼓祝奏太和之樂皇帝出自西房即御座南向坐符寶郎奉寶置於御座如常儀樂止通事舍人引受冊者以次入就位立定受冊者東北西面中書侍郎引冊案進入於中書令之南少退俱西向通事

舍人引爲首者一人少前北面中書侍郎取冊進授

退復位中書令稱有制受冊者再拜中書令讀訖受

冊者又再拜通事舍人引受冊者進受訖典謁引退

復位又通事舍人引大受冊如上儀偏冊訖中書令

以下還侍位案者以案退典儀曰再拜贊者承傳羣

官在位者皆再拜通事舍人引受冊者以次出侍中

前跪奏稱侍中臣某言禮畢俛伏興還侍位皇帝與

太樂令令撞蕤賓之鐘左五鐘皆應鼓祝奏太和之

樂皇帝降座御輿入自東房侍衛警蹕如來儀侍臣

從至閣樂止通事舍人引羣官在位者以次出若冊

三師三公親王皇帝服袞冕之服鼓吹令設十二案

乘黃令陳車輅尚輦奉御陳輦諸衛設黃麾半仗

受冊者初入門舒和之樂作至位樂止冊畢引出初

行樂作出門樂止餘同上儀

高祖武德元年六月庚辰封世民爲秦王元吉齊王

按唐書高祖本紀云云 按太宗本紀帝諱世民高

祖次子也高祖起兵封敦煌郡公義寧元年徙封秦

國公食邑萬戶二年徙封趙國公武德元年進封秦

王四年加天策上將領司徒陝東道大行臺尚書令

位在王公上增邑戶至三萬賜袞冕金輅雙壁黃金

六千斤前後鼓吹九部之樂班劍四十人初高祖起

兵太原非其本意而事出太宗及取天下太宗功益

高而高祖屢許以爲太子太子建成懼廢與齊王元

吉謀害太宗未發九年六月太宗以兵入元武門殺

太子建成及齊王元吉高祖大驚乃以太宗爲皇太

子八月甲子即皇帝位

武德三年六月丙午封子元景爲趙王元昌魯王元

亨鄭王

按唐書高祖本紀云云

武德四年進封宜都郡王泰爲衛王封子元方等五

人爲王既又徙封元嘉徐王

按唐書高祖本紀武德四年三月進封宜都郡王泰

爲衛王四月甲寅封子元方爲周王元禮鄭王元嘉

宋王元則荆王元茂越王十二月壬申徙封元嘉爲

徐王

武德六年四月壬申封子元壽爲蜀王元慶漢王

按唐書高祖本紀云云

武德八年十一月辛丑徙封元壽爲吳王元慶陳王

按唐書高祖本紀云云

武德九年太宗即位宗室郡王降爵縣公進封子恪

漢王祐楚王

按唐書太宗本紀九年八月甲子太宗即皇帝位十

一月庚寅降宗室郡王非有功者爵爲縣公是歲進

封子長沙郡王恪爲漢王宜陽郡王祐楚王

按文獻通考唐高祖受禪以天下未定廣封宗室以

威天下皇從弟及姪年始孩童者數十人皆封爲郡

王太宗即位因舉屬籍問侍臣曰封宗子於天下便

乎尚書右僕射封德彝對曰不便歷觀往古封王者

今日最多兩漢以降唯封帝子及親兄弟若宗室疎

遠者非有大功如周之郇滕如漢之賈澤並不得濫

叨名器所以別親疎也先朝敦睦九族一切封王爵

命既崇多給力役蓋以天下爲私殊非至公馭物之

道也太宗曰然朕理天下本爲百姓非欲勞百姓以

養己之親也於是率以屬疎降爵唯有功者數人得

王餘並封爲縣公

太宗貞觀二年議未封列土之制

按唐書太宗本紀不載 按文獻通考貞觀二年太

宗以宇內晏清思以致理謂公卿曰朕欲使子孫長

久社稷永固其理如何尚書右僕射宋國公蕭瑀對

曰臣觀前代國祚所以長久者莫不封建諸侯以爲

盤石之固秦并六國罷侯置守二世而亡漢有天下

參建藩屏年踰四百魏晉廢之不能久封建之法

實可遵行上然之始議未封列土之制禮部侍郎李

百藥論曰周氏以鑒夏殷之長久遵黃唐之並建維

城盤石深根固本雖王綱弛廢而枝幹相持故使逆

節不生宗祀不絕秦氏背師古之訓棄先王之道窮

華恃險罷侯置守子弟無尺土之邑兆庶罕共理之

憂故一夫號澤七廟墮祀臣以爲自古皇王君臨寓

內莫不受命上元飛名帝錄締構遇興王之運殷憂

屬啓聖之期雖魏武攜養之資漢高徒役之賤非止

意有覬覦推之不能去也若其獄訟不歸菁華已竭

雖帝堯之光被四表大舜之上齊七政非止情存揖

讓守之亦不可固焉以放助重華之德尚不能克昌

厥後是知祚之長短必在天時政或盛衰有關人事

宗周上世三十七年七百雖淪胥之道斯極而文武

之器猶存斯則龜鼎之祚已懸定於杳冥也至使南

征不返東遷避逼禮祀如絳郊畿不守此乃陵夷之

漸有累於封建焉暴秦運距閭餘數鍾百六受命之

主德異禹湯繼世之君才非啓誦借使李斯王綰之

輩咸開四履將閭子嬰之徒俱啓千乘豈能逆帝王

之勃興抗龍顏之祚命者也然則得失成敗各有由

焉而著述之家多守常轍莫不情忘今古理蔽澆淳欲以百王之季行三代之法天下五服之內盡封諸侯王畿千里之間俱爲采地是以結繩之化行虞夏之朝用象刑之典理劉曹之末銀船求劍未見其可膠柱成文彌所多惑徒知問鼎請隧有懼霸王之師白馬素車無復藩籬之援不悟望夷之釁未甚羿浞之災復思高貴之殃寧異申綰之酷此乃欽明昏亂自繁安危固非守宰公侯以成典廢且數代之後王室浸微始自藩屏化爲仇敵家殊俗國異政強凌弱衆暴寡疆場彼此干戈侵伐狐貍之役女子盡壘峭陵之師隻輪不返斯蓋略舉一隅其餘不可勝數陸士衡方規規然云嗣王委其九鼎凶族據其大邑天下晏然以理待亂何斯言之謬也而設官分職任賢使能以循良之才膺共理之寄刺郡分竹何代無人至使地或呈祥天不愛寶人稱父母政比神明曹元首方區區然稱與人共其業者人必憂其憂與人同其安者人必拯其危豈容委以侯伯則同其安危任之牧宰則殊其憂樂何斯言之妄也封君列國藉慶門資忘先業之艱難輕自然之崇貴莫不代增淫虐時益驕侈離宮別館切漢凌雲或刑人力而將盡或召諸侯而共樂陳靈則君臣悖禮共侮徵舒衛宣則父子聚麀終誅壽朝乃云爲已思理豈若是乎內外羣臣選自朝廷擢士庶以任之澄水鏡以鑒之年勞優其階品考績明其黜陟爵非代及用賢之路斯廣人無定主附下之情不固此乃愚智所辨安可惑哉至如滅國弑君亂常干紀春秋二百年間略無寧歲大雉咸秩遂用玉帛之君魯道有蕩每等衣裳之

會縱使西漢哀平之際東漢桓靈之時下吏淫暴必不至此爲政之理一言可蔽陛下獨照宸衷未懷前古將復五等而修舊制建萬國而親諸侯竊以漢魏以還餘風之弊未盡勛華既往至公之道斯革請待斷雕成朴以質代文刑措之教一行登封之禮云畢然後定疆理之制議山河之賞未爲晚焉中書侍郎顏師古論封建表曰伏聞前年陛下親發聖慮特降明勅博問卿士議欲封建既合事宜實惟理要然而議者不一各執異端或欲追法殷周遠遵上古天下之地盡爲封國庶姓羣官皆錫茅社或云凋弊之後人稀土廣封建之事普未可行此皆不臻至理兩失其衷臣愚以爲當今之要莫不量其遠近分置王國均其戶邑強弱相濟畫野分疆不得過大間以州縣雜錯而居互相維持未無領奪使各守其境而不能爲非協力同心則足扶京室陛下然後分命諸子各就封之爲置官僚皆一省選用法令之外不得擅作威刑朝貢禮儀具爲條式一定此制萬代末久則狂狡絕暴慢之心本朝無怵惕之慮特進魏徵議曰臣聞三代之利建藩屏保又皇家兩漢之大啓山河同獎王室故楚國不恭齊桓有召陵之舉諸呂構難朱虛奮北軍之謀九鼎危而復安諸侯傲而還肅比夫秦之孤立子弟爲匹夫魏氏虛名藩扞若罔圍豈可同年而語哉至於同憂共樂之談百足不僵之義曹問六代陸機五等論之詳矣陛下發明詔封五等事雖盡善時即未遑何也自隋氏亂離百殃俱起黎元塗炭十不一存始蒙敷至仁以流元澤沐春風而霑夏雨一朝棄之爲諸侯之隸衆心未定或致逃亡其

未可一也既立諸侯當建社廟禮樂文物儀衛左右頓闕則理必不安粗修則事有未暇其未可二也大

夫卿士咸資祿俸薄賦則官府困窮厚斂則人不堪命其未可三也王畿千里地稅不多至於貢賦所資在於侯甸之外今若並爲國邑京師府藏必虛諸侯

將有他變難安易動悔或不追其不可五也原夫聖人舉事貴在相時時有未可理資通變敢進芻蕘之議惟明主擇焉

貞觀五年封弟元裕等五人及子愔等七人爲王

按唐書太宗本紀五年二月己酉封弟元裕爲鄴王

元名譙王靈夔魏王元祥許王元曉密王庚戌封子

愔爲梁王貞漢王憚鄭王治晉王慎申王囂江王簡

代王十七年四月丙戌立晉王治爲皇太子 按高

宗本紀帝諱治太宗第九子也始封晉王貞觀十七

年太子承乾廢而魏王泰次當立亦以罪黜乃立子

治爲皇太子二十三年四月太宗崩六月甲戌即皇

帝位

貞觀六年詔宗室功臣悉就藩國世守其政

按唐書太宗本紀不載 按馬周傳六年周拜監察

御史上疏曰臣伏見詔宗室功臣悉就藩國遂貽子

孫世守其政竊惟陛下之意誠愛之重之欲其裔緒

承守而與國無疆也臣謂必如詔書者陛下宜思所

以安存之富貴之何必使世官也何則以堯舜之父

有朱均之子若令有不肖子襲封嗣職兆庶被殃國

家蒙患正欲絕之則子文之治猶在也正欲存之而

樂驤之惡已暴也必曰與其毒害於見存之人寧制恩於已亡之臣則向所謂愛之重之者適所以傷之也臣謂宜賦以茅土疇以戶邑必有材行隨器而授雖翰翮非強亦可以免累漢光武不任功臣以吏事所以終全其世者良得其術也願陛下深思其事使夫得奉大恩而子孫終其福祿也

貞觀十年徙元景等十七王封國又出諸王爲都督按唐書太宗本紀十年正月癸丑徙封元景爲荆王元昌漢王元禮徐王元嘉韓王元則彭王元懿鄭王元軌霍王元鳳號王元慶道王元靈薨燕王恪吳王泰魏王祐齊王愔蜀王愔蔣王貞越王慎紀王三月癸丑出諸王爲都督

貞觀十一年徙元裕等二王封國以諸王爲世封刺史

按唐書太宗本紀十一年正月丁亥徙封元裕爲鄧王元名舒王六月己未以諸王爲世封刺史己已徙封元祥爲江王

按文獻通考十一年詔曰設官司以制海內建藩屏以輔王室莫不明其典章義存於致理崇其賢戚志在於無疆者也今採按部之嘉名參建侯之舊制共理之職重矣分土之實存矣已有詔書存其至理繼世垂範貽厥後昆維城作固同符前列荆州都督荆王元景涼州都督漢王元昌徐州都督徐王元禮潞州都督韓王元嘉遂州都督彭王元則鄭州刺史鄭王元懿絳州刺史霍王元軌號州刺史號王元鳳豫州刺史道王元慶壽州刺史舒王元名鄧州刺史鄧王元裕幽州都督燕王元靈薨蘇州刺史許王元祥安

州都督吳王恪相州都督魏王恭齊州都督齊王祐益州都督蜀王愔襄州刺史蔣王愔揚州都督越王正并州都督晉王治秦州都督紀王慎等或地居旦爽風聞詩禮或望乃閭平早稱才藝並爵崇土宇龍兼車服誠孝之心無忘於造次風政之譽克著於期月立冠藩垣肝以休命其所署刺史咸令子孫世世承襲

貞觀十三年二月庚子停世封刺史六月丙申封弟元嬰爲滕王十二月乙亥封子福爲趙王

按唐書太宗本紀云云

貞觀十四年五月壬寅徙封靈薨爲魯王

按唐書太宗本紀云云

貞觀十七年四月癸巳降封魏王泰爲東萊郡王閏月丙子徙封泰爲順陽郡王

按唐書太宗本紀云云是年閏六月

貞觀二十年八月甲子封孫忠爲陳王

按唐書太宗本紀云云

貞觀二十一年九月丁酉封子明爲曹王十一月癸卯進封泰爲濮王

按唐書太宗本紀云云

高宗末徵元年二月辛卯封子孝爲許王上金杞王素節雍王

按唐書高宗本紀云云

永徽四年二月戊子廢蜀王愔爲庶人

按唐書高宗本紀云云

永徽六年正月庚寅封子弘爲代王賢路王

按唐書高宗本紀云云

按唐書高宗本紀云云

顯慶元年廢皇太子忠爲梁王按唐書高宗本紀顯慶元年正月辛未廢皇太子忠爲梁王立代王弘爲皇太子

顯慶二年二月庚午封子顯爲周王王申徙封素節爲郇王

按唐書高宗本紀云云

顯慶五年七月乙巳廢梁王忠爲庶人

按唐書高宗本紀云云

龍朔元年九月壬子徙封賢爲沛王

按唐書高宗本紀云云

龍朔二年十一月癸酉封子旭輪爲殷王

按唐書高宗本紀云云

乾封元年七月乙丑徙封旭輪爲豫王

按唐書高宗本紀云云

總章二年十一月丁亥徙封旭輪爲冀王改名輪

按唐書高宗本紀云云

咸亨三年九月癸卯徙封賢爲雍王

按唐書高宗本紀云云

上元二年七月辛亥杞王上金免官削封邑

按唐書高宗本紀云云

儀鳳元年正月壬戌徙封輪爲相王十月丙午降封

郇王素節鄱陽郡王

按唐書高宗本紀云云

儀鳳二年十月壬辰徙封顯爲英王更名哲

按唐書高宗本紀云云

末隆元年十月壬寅降封曹王明爲零陵郡王

按唐書高宗本紀云云